

**Uunga siunnersuut Kalaallit Nunaanni pasinapiluttumik kalerriisunik illersuineq pillugu Inatsisartut inatsisaat**

(Aningaasaqarnermut Akileraartarnermullu Naalakkersuisoq)

**Akissuteqaat****Aappassaaneerneqarnera**

Naalakkersuisut Inatsisinut Ataatsimiititaliap manna siunnersuummik suliarinninnera qujassutigaa. Siunnersuut UKA2023-mi ukioq kingulleq siullermeerneqarpoq maannakkullu isumaliutissiissuteqalerluni.

Naalakkersuisut paasivaat, ataatsimiititaliaq isumaqatigiilluni siunnersuummik tapersiisoq, kiisalu siunnersuut ataatsimiititaliap pasinapiluttumik kalerriisartut pillugit aaqquussamik pilersitsinissaq pillugu siornatigut aalajangiiffigisassatut siunnersuummik (UKA2022/135) suliarinninnerani piunasaqaataanut, ukiakkut ataatsimiinnermi 2022-mi saqqummiussaannut naapertuuttoq.

Ataatsimiititaliap isumaliutissiissutaa ilanngunneqartoq tunngavigalugu uppersarsinnaavara, Naalakkersuisut 2. april 2024-mi allannguutissatut siunnersuummik nassiussimasut, tamatumani atuutilernissamut aalajangersagamik ilaatigut allannguisimallutik.

Inatsit atuutilerfissaa 1. januar 2025-mut allanngortinneqassaaq, kapitali 4-ami namminersorlutik suliffeqarfinni 100-nik sulisulinni sulisitsisunut aatsaat 1. juli 2025-mit atuutilissamat.

Taamatut oqaaseqarlunga siunnersuut allannguuteqarani pingajussaaneerneqassasq inassutigaa.